

Infurmaziun da pressa digls 12 da schaner 2012

Project tigl adiever dalla forza hidraulica agl Adont.

Igls 12 da schaner 2012 è la populaziun da Riom-Parsonz Salouf, scu er associaziuns, uffezis e medias, nias orientos sur digl project «Ovra hidraulica pitschna Adont». Cun chell'ovra hidraulica pitschna planisada, vignan produtgeidas igl pi bod a parteir digl 2016 agl manevol da Savognin radond 11 ouras gigawatt energieia.

Igl Adont, scu ual da cunfegn tranter igls cumegns Riom-Parsonz e Salouf, è en ual lateral dalla Gelgia e sbucca aint igl lai da farmada, igl «Lai da Burvagn». Cun l'ovra hidraulica pitschna planisada, vign nizzigia igl potenzial disponibel da chel ual per la producziun d'energeia regenerabla.

Cun en antgaschamaint d'ava, tgi vign ad esser sen ca. 1740 m.s m., vign retratg digl Adont ena part dall'ava. Chell'ava corra aval tras ena lengia da pressiuin sutterrana, tgi ò da neir fabritgeida da nov. Ainten la nova centrala dall'ovra hidraulica tigl rampar existent a Burvagn sen radond 1120 m.s.m. vign produtgia per onn ena quantiad d'energeia da radond 11 ouras gigawatt, cun la quala son neir provedeidas ca. 4'000 casadas. Sessour vign l'ava manada aint igl scalem dall'ovra hidraulica ewz existent, Casti vest.

Aint igl decurs digl onn 2012 vignan las lavours da projectaziun cuntinuadas ed ultra da chegl vign surtot la cumpatibladad ecologica examinada pi profund antras experts externs. Siva dalla conclusiun da chellas lavours la premaveira 2013, planisescha igl ewz d'inoltrar la dumonda da concessiun basignevla agls dus cumegns.

Per dumondas az stat igl pledader digl ewz, Harry Graf gugent a disposiziun:

ewz
Corporate Communications
Telefon 058 319 49 67
Mobile 079 638 96 25
E-Mail medien@ewz.ch
Internet www.ewz.ch

Seite 2/2
Datum 12 da schaner 2012

Ulteriours fatgs tecnicos digl project.

La nova centrala dall'ovra hydraulica tigl rampar a Burvagn vign equipada cun ena turbina pelton, tgi vign fixada sen en profil da deflussiun maximal da $0.6 \text{ m}^3/\text{s}$. Igl quantum d'energeia tgi so neir produtgia ad onn è tar radond 11 ouras gigawatt. Igl costs d'investiziun vignan calculos cun 16 anfignen 18 milliuns francs.

Sur digl ewz.

Siva digl 1892 proveda igl ewz igl martgea da Turitg e parts digl cantun Grischun cun current electric e porscha sarvetschs tigl tema energeia. Igl ewz dat labour a passa 1'000 collaboratours, da chels radond 100 aint igl Grischun, e fò part allas diesch interpresas da sarvetsch d'energeia cun igl pi grond stgamgia-maint an Svizra. L'interpresa digl martgea da Turitg porscha er cunsegliaziun d'energeia, sarvetschs innovativs d'energeia, da telecom e da reit.